

3 Klaus bei Götzis, Vorarlberg.

4 Koblach, Vorarlberg.

5 Tschütsch bei Klaus.

6 Weiler, Rötis, Sulz, Orte im Vorarlberger Vorderland.

114.

Bludenz, 1402 November 30.

Graf Hartmann von Werdenberg von Sargans, Bischof zu Chur¹ und Graf Albrecht von Werdenberg der Ältere, Herr zu Bludenz² vereinbaren sich über die Rechte der Grafschaft Hartmanns¹ im Walgau und seiner Grafschaft zu Vaduz am Eschnerberg⁹ über Gerichtsbarkeit, Zölle, Tafelnen, Fischrechte, Einwanderer und Weideordnung.

Wir Graf Hartman Von werdenberg von Sangans von gottes genaden Byschof ze Chur¹ Vnd Jch Graf albrecht von werdenberg der elter herr ze Bludentz² tünd kunt vnd veriehent offenlich mit disem brief als wir etlich / misshellung mit ain ander hand gehept vmb diss nachgeschriben sachen vnd stuk die vnsers vorbenempten Graf Hartmans¹ Grafschaft an gehörtent in walgôw. vnd öch vnsere Grafschaft angehörtent ze / Vadutz an dem Eschnerberg⁹ Da sien wir beid tail mit ain ander vericht früntlich vnd lieplich Vnd sôllen och wir vnd vnsere erben diss richtung vnd all nachgeschriben stuk iemer eweklichen halten mit gûten / trûwen an all geuerd. Des ersten als min egeschriben Graf albrechts² mainung ist gewesen. das der vorbenempt Graf Hartman¹ oder sin amptman nit richten sôlten in Muntafun vmb todschleg vnd vber schäd-/lich lût won si sôlten darumb ze Guggaiss³ richten. da ist berett vnd sien wir dess mit ain ander in ain, wâr ob ieman wâr wer der ist. der zu mir obgedachten Graf albrechten² nit gehört oder nit min ist, vnd Ain / totschlag tât in Muntafun oder mit Andern sachen verschulte darumb man in mit stok vnd galgen sôlt straffen. wirt der in Muntafun oder hie vss ergriffen. den sol man dem egedachten Graf Hartman¹ vnd sinen / erben oder irem Amptman Antwurten gen Guggaiss³.